



Mike Hedges AS
Cadeirydd y Pwyllgor Deddfwriaeth, Cyfiawnder a'r Cyfansoddiad
Senedd Cymru
Bae Caerdydd
Caerdydd
CF99 1SN
SeneddLJC@senedd.wales

11 Rhagfyr 2025

Annwyl Mike,

Cydsynio i wneud Rheoliadau Deddf Caffael 2023 (Cychwyn Rhif 4) 2025

Hoffwn hysbysu'r Pwyllgor o'r bwriad i gydsynio i wneud Rheoliadau Deddf Caffael 2023 (Diwygio Rhif 4) 2025 ("y Rheoliadau") i Gymru.

Cefais lythyr gan Chris Ward AS yn gofyn am gydsyniad i'r Rheoliadau ar 20 Tachwedd 2025. Mewn perthynas ag awdurdodau datganoledig Cymru, mae'r Rheoliadau yn berthnasol i adrannau 69 (Hysbysiadau cydymffurfio â thaliadau) a 71 (Asesu perfformiad contract) o Ddeddf Caffael 2023 ("y Ddeddf").

Mae adran 69 yn ei gwneud yn ofynnol i awdurdodau contractio gyhoeddi hysbysiad cydymffurfio â thaliadau, sydd yn y bôn yn nodi pa mor gyflym y mae awdurdodau contractio yn talu eu hanfonebau (ac a ydynt yn cydymffurfio â'r telerau talu ymhlyg a nodir yn adran 68 o'r Ddeddf).

Mae adran 71 yn ei gwneud yn ofynnol i awdurdodau contractio gyhoeddi hysbysiad perfformiad contract sy'n nodi sut mae cyflenwr wedi perfformio yn erbyn dangosyddion perfformiad allweddol y contract, yn ogystal ag unrhyw achos o dorri neu fethu a chyflawni'r contract ar ran y cyflenwr.

Bydd y Rheoliadau yn dod â'r adrannau hyn o'r Ddeddf i rym, gan roi'r rhwymedigaeth i gyhoeddi hysbysiadau cydymffurfio â thaliadau a hysbysiadau perfformiad contract ar awdurdodau contractio.

Er mwyn cychwyn yr adrannau hyn, mae angen gwneud y Rheoliadau o dan adran 127 (Cychwyn). Bydd Llywodraeth y DU yn gwneud y Rheoliadau Cychwyn hyn yn unol ag adran 127(3) o'r Ddeddf ac felly mae angen cydsyniad Gweinidogion Cymru.

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Correspondence.Mark.Drakeford@gov.wales
Gohebiaeth.Mark.Drakeford@llyw.cymru

Rydym yn croesawu derbyn gohebiaeth yn y Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Er mai egwyddor gyffredinol Llywodraeth Cymru yw y dylai'r gyfraith sy'n ymwneud â materion datganoledig gael ei deddfu gan Weinidogion Cymru pan fo cymhwysedd gweithredol, yn yr achos hwn ystyrir ei bod yn briodol i Weinidog y Goron deddfu gan nad oes gan Weinidogion Cymru y pwerau. Felly, mae cydsynio yn gyson â'n Hegwyddorion: mae'n sicrhau bod y ddarpariaeth ddeddfwriaethol angenrheidiol yn cael ei gwneud i gychwyn darpariaethau perthnasol Deddf Caffael 2023 ac yn cefnogi gwaith cyflawni ein hamcanion polisi.

Yn gywir

A handwritten signature in dark ink, reading "Mark Drakeford". The signature is written in a cursive, flowing style. The first name "Mark" is written in a larger, more prominent script, and "Drakeford" follows in a similar but slightly smaller script. The signature is contained within a light grey rectangular border.

Mark Drakeford AS/MS

Ysgrifennydd y Cabinet dros Gyllid a'r Gymraeg
Cabinet Secretary for Finance and Welsh Language